


## Hetsié mieme • EEREDD+ al 2030



### Contacto para mayor información

3030 8250, ext. 55615

redd.semadet@jalisco.gob.mx

@Semadetjal

SemadetJal

[www.semadet.jalisco.gob.mx](http://www.semadet.jalisco.gob.mx)



### • P+h+k+, 'utuarika kepa+ m+ti 'aneni tats+arí hetsié mieme estatal, ik+ myuku xátanik+ REDD+

tinaime reti xeiyat+yeikat+ kiekari tsíe mieme, 'uximayatsika tuminik+ muyukuma+wa tsíe tsiere niuki ke 'anet+ muyuku xáta tats+arí éna Jalisco.

**Objetivo:** ik+ niuki puyuetua tats+arí wa+kawa m+ka xuwenik+ 'eka 'axam+ 'ane, kwiniya m+ye h+wá yunaime me m+taye neniere wahe tsíe mieme, raku wiet+kaikaku wa+kawarí 'ite+rite m+ka ti xuawek+, tem+ te nanaima tsíe títa tinait+ 'ena m+ti xuawe kwie tsíe. Tsíere p+ti parewie matsu wa+kawa muyuye weiyani+ 'uximayatsika hakewa tinait+ m+rey+ '+wiya 'ik+ 'ena m+ti xuawe kwie tsíe, m+k+ ts+ m+ya m+ti 'ane tsíe 'eeka 'axam+ 'ane 'aix+ neyukuyuruwa 'ite+rite tsíe tsiere haa, Hepa+na tá p+ti parewie kiekari tsim+yeyeu tsíe hakewa yeme matsu wa+kawa m+re xuwae 'ite+rite, m+k+ tinait+ 'aix+ m+tiyu '+wiyanik+, ta ts+arí 'uximayatsika yu yeweiya kaku hakewa 'ite+rite 'aix+ m+re '+wiyariekak+, tsíere hakewa 'uximayatsika meyuye weiyani 'aix+ 'anet+ mekate nanaimat+ hau 'eriet+ 'ena m+ti xuawe kwie tsíe, tsíere tá 'its+kame parewiya panayetuayani 'ik+ 'uximayatsika yam+ti 'ane tsíe mieme.

- Niuki tepaye 'at+ani tats+arí 'ana witari yapa+mekaku kename rí hau 'eriet+ 'ite+rite kati witekieka tinait+ 'ena kwie tsíe m+t+xuawe pareku p+tiyu '+wiyanik+ 'ik+ Jalisco kwie yari tsíe m+k+ parewiya yuyuetuakaku 'uximayatsika matsu wa+kawa m+yuye weiyani+ 'ik+ 'ena m+tixuawe m+tiyu '+wiyanik+ kwie tsíe.
- Tawarí matsu p+ti yaní tats+arí 10% pa+met+ hakewa 'ik+ meyu 'uxumaya, tsíere p+yuyetuani niuki 'ik+ tsíe mieme tats+arí kename 'aku 'uximayatsika 'aix+ 'anemek+ yuye weiya.
- Tsíere p+ti yani pa+met+ 10% tats+arí m+yuyetuani tsíe matsu wa+kawa hakewa 'ite+rite m+re '+wiyarieka, tsíere tinait+ m+t+ '+wiyariekak+ tats+arí yeuta mem+te heu xuwe tsíere kiekartsies tewaxi, heuyuta parewiet+ tats+arí Unidad de Manejo Ambiental tsíem tsíere m+tiyuter+wa tsíe Áreas Naturales Protegidas, tats+ari t+t+ hakewa kwie 'ukumaneme tsíe tinait+ m+re '+wiarie, tsíere mewiyariet+ payani kepauka pem+reuye h+aká kwie tsíe ti mieme, tianit+ tsíet+ títa 'ik+ yam+ti 'ane tsíe m+ti miemet+ni.
- P+yuku xaatani tats+arí hetsié mieme hakewa yemek+ wa+kawa 'uximayatsika meuyewekani 'ik+ kwie tsíe m+ti xuawe m+rey+ '+wiyanik+, matsu wa+kawa m+xuwenik+ hakewa 'eeka 'aix+ me yu yuriekak+
- 'aix+ p+tiyuti yurieni tats+arí m+tiyuter+wa políticas públicas, tats+arí parewiya 'its+kame m+yetuaka matsu wa+kawa 'ik+ 'uximayatsika kwie tsíe nunuwame.
- Wa+kawarí 'eeká 'axam+ 'ane p+ka 'u 'ekani tats+arí haku wiet+kaikaku 'ite+rite hau 'eriet+ tem+te nanaimatsíe m+k+ 'ana tats+arí 2030 pa+mekaku 90% pa+met+ p+ku maweré 'eeka 'axam+ 'ane, tats+arí 'ik+ niuki heuyutaparewiet+ maka 'uxa EEREDD+ tsíe.
- Wa+kawa p+ka xuweni kiekari tsim+yeyeu 'ena Jalisco kwie yari tsíe meuti mane kati 'uximayat+kait+ 'ik+ kwie tsíe nunuwamete wa hets+a tats+arí REDD+, p+ta yunait+ mepiye mep+te '+wiyanik+ tinaime, tats+arí kani xatanit+t+ hakewa yemek+ kiekari wa+kawa parewiya mem+kahe xeiya tsíe, per+ts+ ta hakewa wa+kawa m+re xuwae tsíe 'ite+rite.



### Kepa+ 'ane 'ik+ EEREDD+ •

- 'uximayatsika 'ik+ he tsíe mieme REDD+ 'ena kiekari tsíe
- Tinaime 'aix+ p+tituyuruwa tats+arí instituciones meuti 'u, kemait+kani.
- M+y+ kuxata tsíe tats+arí 'ik+ parewiya 'aix+ 'aneme k+ manaye neikani k+, naitsarie parewiya m+yuyetuayanik+.
- P+ti '+wiyame, p+ neniereme 'ik+ yam+ti 'ane tsíe, tats+arí 'ena ta kwie tsíe muyu ter+wa estado.
- Tsíere p+ti '+wiyame kiekari tsíe, tinaime p+ti xeiya títa 'ena kwie tsíe m+ti xuawe.
- Pi xeiya tsíere 'ik+ uximayatsika kem+tiyu 'uximaya, x+ka 'aku 'ik+ EEREDD+ 'aix+ tikamieni.

